

ԴԻՐՔՈՐՈՇՈՒՄ

ԻՐԱԿԼԻ ՂԱՐԻԲԱՇՎԻԼԻ. «2012 ԹՎԱԿԱՆԻՑ ՄԵՆՔ ԻՐԱԿԱՆԱՅՆՈՒՄ ԵՆՔ ՌԱԶՄԱՎԱՐԱԿԱՆ ՀԱՄԲԵՐՈՒԹՅՈՒՆ, ԽԵԼԱՄԻՑ ԵՎ ՊՐԱԳՄԱՏԻԿ ՔԱՂԱՔԱԿԱՆՈՒԹՅՈՒՆ»

Վրաստանի վարչապետ Իրակլի Դարիբաշվիլին, մեկնաբանելով Եվրամիության առանձին ներկայացուցիչների Վրաստանին հասցեագրված հայտարարությունները, նշեց, որ 2012 թվականից երկրի ղեկավարությունն իրականացնում է ռազմավարական համբերություն, խելամիտ եւ պրագմատիկ քաղաքականություն, որի վերջնական նպատակը երկրի միավորումն է:

- Մենք, լինելով փոքր երկիր եւ ունենալով այնպիսի մարտահրավերներ, որի պայմաններում 20 տոկոսը օկուպացված է, ու այդ տարածքում տեղակայված է ռուսական բանակը, երբ անցել ենք խորհրդային Միության փլուզման ու հաջորդած բազմաթիվ պատերազմների, փորձությունների, քաղաքացիական պատերազմների միջով,

(Շարունակությունը՝ 2-րդ էջում)



ԵՎՐՈՊԱՅԻ ՕՐԵՐ

«ՄԻՇՏ ՀԱՃԵԼԻ Է ՏԵՄՆԵԼ ԵՎՐԱՄԻՈՒԹՅԱՆ ԳՈՒՅՆԵՐՈՎ ԼՈՒՍԱՎՈՐՎԱԾ ԹԲԻԼԻՍԻՆ. ՇՆՈՐՀԱԿԱԼՈՒԹՅՈՒՆ, ՎՐԱՍՏԱՆ»

ՄԱՅԻՍԻ 6-7-Ը ՎՐԱՍՏԱՆՈՒՄ ՆՇՎԵՑԻՆ ԵՎՐՈՊԱՅԻ ՕՐԵՐԸ

Վրաստանի կառավարության վարչակազմի կողմից մայիսի 6-ին եւ 7-ին Վրաստանում նշվեցին Եվրոպայի օրերը: Եվրոպայի օրերի շրջանակներում, նշվեցին Իսպանիայի եւ Շվեդիայի օրերը:

Օրբելիանի հրապարակում, անցկացվեցին ավանդական հագուստի, լուսանկարչական եւ ծաղկի ցուցահանդեսներ:

Ներկայացվեցին իսպանական եւ շվեդական խոհանոցի ուտեստներ:

Թբիլիսիում Եվրոպայի օրե-

րի միջոցառումներին մասնակցեցին Վրաստանի նախագահ Սալոմե Ջուրաբիշվիլին, վարչապետ Իրակլի Դարիբաշվիլին, երկրի գործադիր եւ օրենսդիր մարմինների, քաղաքական կուսակցությունների ու

(Շարունակությունը՝ 2-րդ էջում)

ԻՐԱՎԻՃԱԿ

ՌՈՒՍԱՍՏԱՆԸ ՎԵՐԱՅՐԵՑ ՎՐԱՍՏԱՆԻ ՔԱՂԱՔԱՑԻՆԵՐԻ ՀԱՄԱՐ ԱՅՑԵԳՐԱՅԻՆ ՊԱՅՄԱՆԱԿԱՐԳԸ, ՎԵՐԱԿԱՆԳՆՎՈՒՄ ԵՆ ՆԱԵՎ ՈՒՂԻՂ ԱՎԻԱԶՎԵՐԹԵՐԸ

Մայիսի 15-ից Ռուսաստանի Դաշնությունը չեղարկում է այցեգրային պայմանակարգը Վրաստանի քաղաքացիների համար: Համապատասխան հրամանագիրը հրապարակել է Ռուսաստանի նախագահ Վ.Պուտինը: Փաստաթղթի համաձայն, Վրաստանի քաղաքացիները կկարողանան Ռուսաստանի տարածք մուտք գործել Վրաստանի անձնագրով: Բացառություն են կազմում այն քաղաքացիները, ովքեր Ռուսաստան են գալիս աշխատանքի կամ ծրագրում են մնալ ավելի քան 90 օր: Ռուսաստանը չեղարկել է նաեւ դեպի Վրաստան ուղիղ ավիաչվերթերի եւ զբոսաշրջության արգելքը:

Ռուսաստանի Դաշնության նախագահի հրամանագրով ուժը կորցրած է ճանաչվել 2019 թվականի հունիսի 21-ի «Ռուսաստանի Դաշնության ազգային անվտանգությունն ապահովելու եւ Ռուսաստանի Դաշնության քաղաքացիներին հանցավոր կամ այլ անօրինական գործողություններից պաշտպանելու առանձին միջոցառումների մասին» հրամանագիրը:

ԻՐԱԿԼԻ ՂԱՐԻԲԱՇՎԻԼԻ. «ՍԱ, ԻՀԱՐԿԵ, ԴՐԱԿԱՆ ՓԱՍՏ Է ՈՒ ԴՐԱԿԱՆ ՈՐՈՇՈՒՄ»

Վրաստանի վարչապետ Իրակլի Դարիբաշվիլին Ռուսաստանի նախագահի՝ դեպի Վրաստան ուղիղ չվերթերը վերականգնելու եւ այցեգրային պայմանակարգի չեղարկելու որոշումը դրական փաստ եւ դրական որոշում է համարում:

(Շարունակությունը՝ 4-րդ էջում)

ՎՐԱՍՏԱՆԻ ԽՈՐՀՐԴԱՐԱՆԱԿԱՆ ՊԱՏՎԻՐԱԿՈՒԹՅՈՒՆԸ ՀԱՅԱՍՏԱՆՈՒՄ

ՍԱՄՎԵԼ ՄԱՆՈՒԿՅԱՆ. «ԿՐԿԻՆ ԸՆԴԳԾՎԵՑ ՎՐԱՑ-ՀԱՅԿԱԿԱՆ ԲԱԶՄՈԼՈՐՏ ՀԱՐԱԲԵՐՈՒԹՅՈՒՆՆԵՐԻ ԶԱՐԳԱՑՄԱՆ ԵՐԿԿՈՐՄ ՊԱՏՐԱՍՏԱԿԱՄՈՒԹՅՈՒՆԸ»

Մայիսի 11-ին Վրաստանի խորհրդարանի տարածաշրջանային քաղաքականության եւ ինքնակառավարման կոմիտեի նախագահ Կախա Կախիշվիլու գլխավորած պատվիրակությանը, որի կազմում էին խորհրդարանի պատգամավորներ Սամվել Մանուկյանն ու Զաալ Դուգլաձեն, պաշտոնական այցով գտնվեց Երեւանում: Այցի շրջանակներում, Վրաստանի խորհրդարանական պատվիրակության անդամները հանդիպեցին Հայաստանի Ազգային ժողովի նախագահ Ալեն Սիմոնյանի հետ, բանակցեցին Ազգային ժողովի տարածքային կառավարման, տեղական ինքնակառավարման, գյուղատնտեսության եւ շրջակա միջավայրի պահպանության հարցերի մշտական հանձնաժողովի նախագահ Վահե Ղալումյանի գլխավորած պատվիրակության հետ:

«Վրաստանի» հետ հեռախոսազրույցում Վրաստանի խորհրդարանական պատվիրակության անդամ Սամվել Մանուկյանը նշեց, որ Վրաստանցի

խորհրդարանականների եւ Ալեն Սիմոնյանի հետ հանդիպմանը քննարկվեցին երկու խորհրդարան-

(Շարունակությունը՝ 2-րդ էջում)

ՄԱՅԻՍԻ 9-Ը ՀԱՂԹԱՆԱԿԻ ՕՐՆ Է

«ՄԵՐ ՀԵՐՈՍ ՎԵՏԵՐԱՆՆԵՐԻՆ ՇՆՈՐՀԱՎՈՐՈՒՄ ԵՄ ՖԱՇԻՉՄԻ ԴԵՄ ՄԵԾ ՀԱՂԹԱՆԱԿԻ ԱՌԻԹՈՎ»

Մայիսի 9-ին՝ ֆաշիզմի դեմ տարած Երկրորդ աշխարհամարտում Հաղթանակի օրվա առիթով, Թբիլիսիի Վետերանների մշակույթի եւ հանգստի Կիկվիժեի անվան այգում հավաքված, Վրաստանում ապրող պատերազմի 114 վետերաններին շնորհավորելու էին եկել Վրաստանի վարչապետ Իրակլի Դարիբաշվիլին, Թբիլիսիի քաղաքապետ Կախա Կալաձեն, երկրի կառավարության անդամներ ու խորհրդարանի պատգամավորներ, հասարակական կազմակերպությունների ներկայացուցիչներ:



Դիմելով պատերազմի վետերաններին, որոնցից ամենատարեցը 104-ամյա Ալեքսանդր Բուսկիվաձեն էր, Վրաստանի վարչապետն ասաց.

- Առաջին հերթին ուզում եմ շնորհավորել մեր հերոս վետերաններին այս մեծ չարիքի՝ ֆաշիզմի պարտության եւ մեր հաղթանակի օրվա կապակցությամբ: Ուզում եմ նշել, որ մեր երկրի եւ վրացիների դերը Երկրորդ համաշխարհային պատերազմի հաղթանակում անկասկած անգնահատելի է: Այս պատերազմին մաս-

նակցել է յոթ հարյուր հազար վրացի, որոնց կեսից ավելին հերոսաբար զոհվել է հանուն այն նպատակի, որը կոչվում էր Հաղթանակ ֆաշիզմի դեմ:

Նշենք, որ Վրաստանի կառավարության որոշման համաձայն, ֆաշիզմի դեմ տարած հաղթանակի 78-րդ տարեդարձի կապակցությամբ, Երկրորդ համաշխարհային պատերազմի մասնակիցները ստացել են 1000-ական, իսկ երկրորդ համաշխարհային պատերազմում զոհվածների ընտանիքի անդամները՝ 500-ական լարի:

ՀԱՐԳԱՆՔԻ ՏՈՒՐԲ՝ ԶՈՀՎԱԾ ՀԵՐՈՍՆԵՐԻՆ ԵՎ ՄԵԾԱՐՈՒՄ ՎԵՏԵՐԱՆՆԵՐԻՆ

Մայիսի 9-ին՝ ֆաշիզմի դեմ հաղթանակի 78-րդ տարեդարձի օրը, Երկրորդ աշխարհամարտում զոհված հերոսների հիշատակի ու վետերանների մեծարման արարողություններ անցկացվեցին Վրաստանի տարածաշրջաններում:

ԱԽԱՂՏԻՆԵ.

Մայիսի 9-ին Ախալցխի մունիցիպալիտետի քաղաքապետ Իրակլի Լազարաշվիլին, փոխքաղաքապետ Ռուբեն Կարապետյանը, սակրեբուլոյի նախագահ Դավիթ Լոմիձեն Սամցխե-Ջավախեթի երկրամասային վարչության եւ մունիցիպալիտետի քաղաքապետարանի ներկայացուցիչների հետ միասին ծաղիկներով զարդարեցին Երկրորդ աշխարհամարտ-

(Շարունակությունը՝ 4-րդ էջում)



Մանհեթենի դաշնային երգվյալ ատենակալները ԱՄՆ նախկին նախագահ Դոնալդ Թրամփին մեղավոր են ճանաչել լրագրող, Elle ամսագրի սյուճակագիր, գրող Էլիզաբեթ Ջին Քերոլին սեռական ոտնձգությունների ենթարկելու մեջ: Թրամփին պարտավորեցրել են Քերոլին վճարել 5 միլիոն դոլարի փոխհատուցում: Թրամփը հերքել է բոլոր մեղադրանքները ու դատավճիռն անվանել խալաթառություն» եւ «վիուկների որս»:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ԳՈՐԾԱԴԻՐ


ԱՆՑԿԱՑՎԵՑ ԺՈՂՈՎՐԴԱԳՐԱԿԱՆ ՀԻՄՆԱԽՆԴԻՐՆԵՐԻ ՎԵՐԱՆԱՅՄԱՆ ԽՈՐՀՐԴԻ ՆԻՍՏԸ

Մայիսի 11-ին Վրաստանի վարչապետ Իրակլի Դարիաշվիլու գլխավորությամբ անցկացվեց Վրաստանի ժողովրդագրական հիմնախնդիրների վերանայման խորհրդի նիստը:

Նիստին քննարկվեցին ժողովրդագրական զարգացման հիմնական նպատակները: Խորհրդի անդամները քննարկեցին ժողովրդագրական իրավիճակի բարելավման ուղղությամբ մշակված նախաձեռնությունները: Ուշադրություն հատկացվեց տարբեր ծրագրերի մշակմանն ու իրականացմանը, ինչպես նաեւ արդեն իսկ գործող ծրագրերի կատարելագործմանը: Քննարկվեցին զբաղվածության խթանման եւ միգրացիայի հարցերը, ինչպես նաեւ առողջապահության, սոցիալական ոլորտի ու կրթության ուղղությամբ առկա նախաձեռնությունները:

Ըստ օկուպացված տարածքներից հարկադիր վերաբնակների, աշխատանքի, առողջապահության եւ սոցիալական պաշտպանության փոխնախարար Թամար Գաբունիան, հնարավորինս արագ կատարաստվի փաթեթ, որը կներկայացվի հաջորդ նիստի քննարկմանը:

- Այսօր տեղի ունեցավ խորհրդի առաջին նիստը: Ներկայացվեցին ժողովրդագրական տեսակետից մշակվող հիմնական միտումները, ինչպես նաեւ առողջապահական, կրթական ու սոցիալական ուղղությամբ արդեն իսկ իրականացվող նախաձեռնությունները: Մենք քննարկել ենք անհրաժեշտ բարելավումները, միջազգային պրակտիկան եւ անհրաժեշտ փոփոխությունները, որոնք կնպաստեն ապագայում ժողովրդագրական միտումների բարելավմանը, - ասաց Թամար Գաբունիան:



ՄԱՅԻՍԻ 6-ԻՆ ՆՇՎԵՑ ԳԻՐԳՈՐԱՆ

Մայիսի 6-ին Սուրբ Մեծ Մատթեոսի Գիորգիի մահապատժի օրը, Վրաց Ուղղափառ եկեղեցին նշեց Գիորգորբան: Տոնի կապակցությամբ երկրի գործող բոլոր եկեղեցիներում ու վանքերում մատուցվեց հանդիսավոր պատարագ: Սուրբ հրաշագործ ու հզոր Գիորգիին համարվում է վրաց ազգի հովանավորը եւ հատկապես սիրված է Վրաստանում:

Սուրբ Գիորգիի տոնը նշվում է տարին երկու անգամ՝ մայիսի 6-ին՝ Սրբի մահապատժի օրը, եւ նոյեմբերի 23-ին՝ անիվի վրա նրա տանջանքների ենթարկվելու օրը: Նոյեմբերի 23-ի տոնակատարությունը կոչվում է վրացական, քանի որ այն Վրաստանից տեղափոխվել է այլ եկեղեցիներ:

ՄԱՅԻՍԻ 12-Ը՝

ՍՈՒՐԲ ԱՆՂՐԵԱՍ ԱՌԱՔՅԱԼԻ ՕՐ

Մայիսի 12-ին Վրաց Ուղղափառ եկեղեցին նշեց Սուրբ Անդրեաս Առաքյալի հիշատակության եւ Վրաստանի՝ Սուրբ Աստվածածնի Բախտաբաժնի օրը:

Վրաստանի Ուղղափառ եկեղեցին Անդրեաս առաքյալի հիշատակը նշում է երկու անգամ՝ մայիսի 12-ին՝ Սուրբ Առաքյալի Վրաստան մուտքի օրը, եւ դեկտեմբերի 13-ին՝ նրա մահվան օրը:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (12 մայիսի)

Ազգային բանկի կողմից սահմանվել է տարադրամի հետեւյալ կուրսը:

Տարադրամ	Լարի
1 ԱՄՆ ԴՈԼԱՐ	2.5458
1 ԵՎՐՈ	2.7805
100 ՌՈՒԲԼԻ	3.3428
1000 ԴՐԱՄ	6.5931

ԻՐԱՎԻՃԱԿ

ՎՐԱՍՏԱՆԻ ԱՌԱՋԻՆ ՆԱԽԱԳԱՀ ԶՎԻԱԴ ԳԱՄՍԱԽՈՐԴԻԱՅԻ ՈՐԴԻՆԵՐ ՁՈՏՆԵՆ ԵՎ ԳԻՐԳԻՆ ՀՐԱԺԱՐՎՈՒՄ ԵՆ ՄՈՐԻՉ՝ ՄԱՆԱՆԱ ԱՐԶՎԱՁԵԻՉ



Թբիլիսիի դատարան է ներկայացվել հայտ, ըստ որի, Վրաստանի առաջին նախագահ Զվիադ Գամսախուրդիայի որդիները՝ Յոտնեն եւ Գիորգին, պահանջում են մորը՝ Մանանա Արզվաձեին, զրկել մայրական իրավունքից, հայտը հիմնավորում են տարիներ շարունակվող բարոյական եւ հոգեբանական ճնշումներով:

Նշենք, որ Գիորգի Գամսախուրդիան Վրաստանում չէ եւ մորն առնչվող հայտարարությունը տարածել է սոցիալական ցանցով: Դատարանին ներկայացված հայտին կցված են ապացույցներ, այդ

նակիցների հարձակման օբյեկտը:

Մանանա Արզվաձեի ու նրա որդիների հարաբերությունների մասին ասվում է նաեւ Զվիադ Գամսախուրդիայի ավագ որդու՝ Կոնստանտին Գամսախուրդիայի վերջերս հրապարակած գրքում, որտեղ հեղինակը ներկայացրել է Գամսախուրդիաների ընտանիքի մասին հանրությանն անհայտ փաստեր: Դեռեւս հայտնի չէ, թե դատարանը կբավարարի՞ արդյոք, Մանանա Արզվաձեին մայրական իրավունքներից զրկելու որդիների պահանջը:

Նշենք, որ Գամսախուրդիաների ընտանիքում վերոնշյալ հայտը առաջին դատական քննարկումը չէ: Գամսախուրդիայի զավակների նախորդ հայտի հիման վրա, դատարանը Մանանա Արզվաձեին զրկել էր «Կոլխուրի կոշկի» տան գույքի օգտագործման իրավունքից:



Յոտնե Գամսախուրդիա



Գիորգի Գամսախուրդիա

թվում Յոտնեն Գամսախուրդիայի կողմից տարբեր ժամանակներում հրապարակած նամակները, որտեղ նա Մանանա Արզվաձե-Գամսախուրդիային մեղադրում է ընտանիքի քայքայման մեջ: Նշվում է, որ բուժման եռամյա կուրսն անցնելուց հետո, Յոտնեն Գամսախուրդիան գտնվում է Ծերովանիի վերականգնման կենտրոնում եւ մոր որոշմամբ չի կարող վերադառնալ հայրական «Կոլխուրի կոշկի» տուն:

Յոտնեն Գամսախուրդիայի կինը՝ Աննա Ջաբաուրին, չանդրադառնալով հայտի մանրամասներին, հաստատել է, որ անձամբ ինքը նույնպես բազմիցս դարձել է Մանանա Արզվաձե-Գամսախուրդիայի ու նրա կողմ-

ՏԱՐԱԾԱՆԵՐԱՆ

ԱՆԱԼԲԱԼԱՔԻՆ ՄԵԾ ՇՈՒՔՈՎ ԴԻՄԱՎՈՐԵՑ ԵՎՐՈՊԱՅԻ ԶԵՄՊԻՈՆԻՆ



րոպայի երիտասարդական առաջնությունից վերադարձած, մայրցամաքի կրկնակի չեմպիոնի տիտղոսի արժանացած Գոռ Այվազյանին:

Արարողությանը մասնակից Ախալքալաքի մունիցիպալիտետի քաղաքապետ Մելքոն Մակարյանն ու սակրեբուլոյի նախագահ Նաիրի Իրիցյանը ուրախալի հաղթանակի կապակցությամբ ջերմորեն շնորհավորեցին Գոռ Այվազյանին եւ նրա մարզիչներին:

Նշենք, որ Գոռ Այվազյանը երեւանում անցկացված բռնցքամարտի Եվրոպայի երիտասարդական առաջնությունում, 54 կգ քաշային կարգում նվաճեց ոսկե մեդալ:

ՆԻՆՈԾՄԻՆԴԱ. ՆԵՐԿԱՅԱՑՎԵՑ ՍՈՒՆԻՑԻՊԱԼԱՅԻՆ ԾԱՌԱՅՈՒԹՅՈՒՆՆԵՐԻ ԲԱՐԵԼԱՎՄԱՆ ԾՐԱԳԻՐԸ

Նինոծմինդայի մունիցիպալիտետի քաղաքապետարանում Եվրամիության կողմից ֆինանսավորվող եւ Կովկասի բնապահպանական ոչ կառավարական

կազմակերպության (CENN) կողմից իրականացվող «Քաղաքացիական հասարակության հզորացում համուն ներառական եւ կանաչ ետկովիդային վարականգնման» նախագծի շրջանակներում, կայացավ հանդիպում:

Նինոծմինդայի մունիցիպալիտետում արդեն ստեղծվել է մունիցիպալ ծառայությունների բարելավման բազմաֆունկցիոնալ աշխատանքային խումբ, որն այդ օրը ներկայացրեց պիլոտային իր ծրագիրը, որը ենթադրում է երեխաների աշակերտության ծրագրի ներդրումը: Զանդիպման շրջանակներում, մասնակիցները խոսեցին նաեւ սոցիալական քաղաքականության, մունիցիպալ ծրագրերի վերլուծման եւ տարբեր խոցելի խմբերի կարիքների մասին:



ԾԱԿԱՅԻ ԿԻՐՃՆ ՈՒ ԱՆԱԼՑԻՆԵՐԻ ԲԵՐԴԸ՝ ԶՐՈՍԱՇՐՋՈՒԹՅԱՆ ԳՐԱԿԻԶ ԿԵՆՏՐՈՆ

Վրաստանի տարածաշրջաններում զբոսաշրջային օբյեկտների պահանջարկն աճել է:

Ծալկայի «Ապակե կամրջի» հասարակայնության հետ կապերի մենեջեր Էթի Բեկուրաշվիլին ասաց, որ 240 մետր

երկարությամբ «Ապակե կամրջը» թե՛ օտարերկրյա, թե՛ տեղացի զբոսաշրջիկների հետաքրքրության շրջանակում է, որի շնորհիվ վերջինների թիվը մեծանում է:

- Անցյալ տարի մենք հյուրընկալել ենք ավելի քան 100 հազար այցելուի, իսկ այս տարի առավել սպասելիքներ ունենք: Այս փուլում Վրաստանի քաղաքացիների համար գները տատանվում են 19-29 լարիի միջակայքում, իսկ օտարերկրյա քաղաքացիների համար՝ 34-49 լարիի, - ասաց Էթի Բեկուրաշվիլին:

«Ախալցխի Ռաբաթ բերդի» տնօրեն Ջազա Թամարաշվիլու խոսքով, զբոսաշրջիկների ակտիվությունն աճել է նախորդ տարվա չորս ամսվա համեմատ, այս տարի զբոսաշրջիկների թիվն ավելացել է 33 տոկոսով:

ՄԱՌՆԵՈՒԼԻ. ԱՐՔՅՈՐՓԻ ԳՅՈՒՂՈՎ ՀԱՅԱՍՏԱՆ ՏԱՆՈՂ ՃԱՆԱՊԱՐԻՎ ԿԵՐԱՆՈՐՈԳՈՒՄԸ ԵՐԿԱՐԱԶԳՎԵԼ Է

Վրաստանի Քվեմո Քարթլիի տարածաշրջանի Մառնեուլիի մունիցիպալիտետի Սադախլո-Շոփի-Աղբյուրփի-Հայաստանի սահման 25 կմ երկարության ճանապարհի՝ Սադախլո-Աղբյուրփի 9-18 կմ հատվածի վերանորոգման աշխատանքները, սահմանված մարտի 13-ի փոխարեն, կավարտվեն ս.թ. հունիսի առաջին կեսին:

Հիշեցնենք, որ վերանորոգման աշխատանքները սկսվել են 2021-ի դեկտեմբերին եւ, ըստ նախնական պայմանագրի, պետք է ավարտվեն 2023 թվականի մարտին: Սակայն, շինաշխատանքներն իրականացնող «Իբերի» ընկերությունը պայմանագրի ավարտից 3 օր առաջ, դիմել էր պատվիրատուին՝ Վրաստանի ավտոճանապարհների դեպարտամենտին, շինարարական աշխատանքների վերջնաժամկետի երկարաձգման խնդրանքով, որը բավարարվեց:

Էջը պատրաստեց ՅՈՒՐԻ ԽՈՐԵՆՅԱՆԸ

ՄԱՅԻՍԻ 9-Ը ՀԱՂԹԱՆԱԿԻ ՕՐՆ Է

ՀԱՐԳԱՆՔԻ ՏՈՒՐՔ՝ ԶՈՀՎԱԾ ՀԵՐՈՍՆԵՐԻՆ ԵՎ ՄԵԾԱՐՈՒՄ ՎԵՏԵՐԱՆՆԵՐԻՆ

(Սկզբը՝ 1-ին էջում)

տի զոհերի հիշատակի հուշահամալիրը, համդիպում ունեցան պատերազմի 101-ամյա վետերաններ, Ախալ-



սահմանված 1000 լարի դրամապարգեւը, 700 լարիի չափով՝ մունիցիպալային պարգեւն ու 300 լարի գումարով պարենամթերքի նախագահական վառուչերը:

ԲՈՒՆԻՍԻ.

Մեծ հաղթանակի 78-րդ տարելիցի առթիվ Բունիսիի մունիցիպալիտետի քաղաքապետ Դավիթ Շերադագիշվիլին, տեղական ինքնակառավարման մարմնի մյուս ղեկավարները ծաղկեպսակ դրեցին Երկրորդ աշխարհամարտի հերոսների հիշատակը հավերժացնող հուշահամալիրին, իրենց հարգանքի տուրքը մատուցեցին մունիցիպալիտետում ներկա դրությամբ ապրող պատերազմի միակ վետերանին՝ բուլնիսիաչեցի 97-ամյա Հարություն Անդրեասյանին: Մունիցիպալիտետի ղեկավարները վետերանին շնորհավորեցին տոնի առթիվ, նրան հանձնեցին նվերներ, ինչպես նաեւ երկրի կառավարության, նախագահի ու մունիցիպալիտետի ղեկավարության կողմից սահմանված 1000, 500 եւ 300 լարիի պարգևադրամը:



ԱՆԱԼՔԱՆՔԻ.

Մայիսի 9-ին՝ ֆաշիզմի դեմ հաղթանակի 78-րդ տարելիցին, Վրաստանի խորհրդարանի պատգամավոր Սամվել Մանուկյանը, Ախալքալաքի մունիցիպա-



մավորեց առանց վետերանների, քանի որ նրանցից վերջինն իր մահկանացուն կնքեց անցած տարի:

ՆԻՆՈՇՄԻՆՊԱ.

Մայիսի 9-ին՝ Մեծ Հաղթանակի 78-րդ տարելիցին, Վրաստանի խորհրդարանի պատգամավոր Սուրբատ Կյուրեղյանը, Նինոծմինդայի մունիցիպալիտետի քաղաքապետ Անիվարդ Մոսոյանը, փոխքաղաքապետեր Ալեքսանդր Միքելաձեն եւ Արմեն Բոլոյանը, սակրեբուլոյի նախագահ Վահան Արոյանը, սակրեբուլոյի եւ քաղաքապետարանի աշխատակիցների հետ միասին քաղաքի կենտրոնական այգում ծաղիկներ խոնարհեցին հերոսների



հուշարձանին:

Նինոծմինդան եւս, այս արցունքախառն ուրախության օրը դիմավորեց առանց վետերանների: Իր վերջին վետերան բնակչին հրաշերտ էր տվել անցյալ տարի:



ԻՐԱՎԻՃԱԿ

ՌՈՒՄԱՍՏԱՆԸ ՎԵՐԱՑՐԵՑ ՎՐԱՍՏԱՆԻ ՔԱՂԱՔԱՑԻՆԵՐԻ ՀԱՄԱՐ ԱՅՑԵԳՐԱՅԻՆ ՊԱՅՄԱՆԱԿԱՐԳԸ, ՎԵՐԱԿԱՆԳՆՎՈՒՄ ԵՆ ՆԱԵՎ ՈՒՂԻՂ ԶՎԵՐԹԵՐԸ

(Սկզբը՝ 1-ին էջում)

- Ռուսաստանում ունենք 1 միլիոն էթնիկ վրացի, եւ իհարկե շատ կարելու է դուրսացնել նրանց տեղաշարժը, ճանապարհորդությունը, հարազատների ժամանումը եւ այլն: Սա, իհարկե, դրական փաստ է եւ դրական որոշում,- ասաց վարչապետն ու հիշեցրեց 2008 թվականի օգոստոսյան պատերազմին հաջորդած իրավիճակը, երբ երրորդ նախագահ Միխեիլ Սաակաշվիլու նախագահության օրոք՝ պատերազմից հետո Վրաստանը միակողմանիորեն հանեց վիզաները Ռուսաստանի քաղաքացիների համար:

ԻՐԱՎԻ ԿՈՔԱՆԻՉԵ. «ՄԵՐ ՔԱՂԱՔԱՑԻՆԵՐԸ ՌՈՒՄԱՍՏԱՆԻՑ ՏՈՒՆ ԷՆ ՎԵՐԱՂԱՌՆՈՒՄ ՀԱՅԱՍՏԱՆՈՎ»

«Վրացական երազանքի» նախագահ Իրակլի Կոբախիձեն Ռուսաստանի կողմից թռիչքների վերականգնման շուրջ հայտարարեց, որ Վրաստանի քաղաքացիները ՌԴ-ից Վրաստան են գալիս այլ երկրի միջոցով, օրինակ, Հայաստանը, ինչը կրկնապատկում էր ճանապարհածախսը:

- Մեր դիրքորոշումը պարզ է, այսօր Ռուսաստանից մեր շուրջ մեկ միլիոն քաղաքացիները պետք է Վրաստան գան այլ երկրների միջոցով, օրինակ, Հայաստանով, ինչը ավելացնում է ծախսերը, անհարմարություն է ստեղծում եւ այլն,- նշեց Իրակլի Կոբախիձեն:

«ԶՎԵՐԹԵՐԻ ՎԵՐԱԿԱՆԳՆՈՒՄԸ ԵՎ ԱՅՑԵԳՐԱՅԻՆ ՊԱՅՄԱՆԱԿԱՐԳԻ ԶԵՂԱՐԿՈՒՄՆ ԼՆԵՆԻՆԻՆԵՐԻ ԵՆ»

Վրաստանի նախագահ Սալոմե Ջուրաբիշվիլին Ռուսաստանի կողմից այցեգրային պայ-

մանակարգի չեղարկումը հերթական սադրանք է համարում:

Նախագահի խոսքով, Վրաստանի հետ ուղիղ չվերթերի վերականգնումն ու այցեգրային սահմանափակումների վերացումն անընդունելի են, քանի դեռ Ռուսաստանը շարունակում է Ուկրաինայի դեմ իր ագրեսիան եւ Վրաստանի տարածքների օկուպացումը...

- Ռուսական հերթական սադրանք. Վրաստանի հետ ուղիղ չվերթերի վերականգնումն ու այցեգրային սահմանափակումների վերացումն անընդունելի է, քանի դեռ Ռուսաստանը շարունակում է իր ագրեսիան Ուկրաինայի դեմ եւ մեր տարածքների օկուպացիան,- հայտարարեց նախագահը:

Ի դեպ, Վրաստանի ընդդիմադիր կուսակցությունների մի մասը՝ Միասնական ազգային շարժումը, «Ռազմավարությունը Աղմաշենքելի» կուսակցությունը, «Եվրոպական Վրաստան» կուսակցությունը, գտնում են, որ՝ Ռուսաստանի կողմից Վրաստանի քաղաքացիների համար այցեգրային պայմանակարգի չեղարկումը եւ ուղիղ ավիահաղորդակցության արգելքի չեղարկումը Վրաստանի հակաարեւմտյան քաղաքականության «մրցանակ» է:

Հիշեցնենք, որ Ռուսաստանը Վրաստանի հետ ուղիղ ավիաչվերթերի արգելքը սահմանել էր 2019 թվականի առնաճաճը՝ «Գալիլիովի գիշերից» հետո: Ռուսաստանը Վրաստանի քաղաքացիների համար այցեգրային պայմանակարգը ներդրել էր 23 տարի առաջ՝ 2000 թվականին:

Հատկանշական է, որ Վրաստանի իշխանությունները Ռուսաստանի քաղաքացիների համար այցեգրային պայմանակարգը վերացրել էին 2012 թվականին՝ Միխեիլ Սաակաշվիլու նախագահության օրոք:

Էջը պատրաստեց ՄԻՍՈՆ ԿԻԼԱՉԵՆ

ՍՈՑԻԱԼԱԿԱՆ

ՎՐԱՍՏԱՆՈՒՄ ԲԵՆՁԻՆԸ ԿՐԿԻՆ ԹԱՆԿԱՆՈՒՄ Է

Նավթամթերքների շուկայում գների դինամիկան կրկին փոխվում է՝ վերջին ժամանակներում վավերացվել է գների նշանակալի աճ: Ճիշտ է, համաշխարհային շուկայում նավթամթերքները հիմնականում էժանանում են, բայց Ռուսաստանում վավերացվել է դրա հակառակ միտումը, ինչը եւ իր ազդեցությունն է գործում Վրաստանի նավթամթերքների շուկայի վրա, քանի որ Վրաստան ներկրվող նավթամթերքների մեծ մասն իրականացվում է Ռուսաստանից:

Զնայած ՕՊԵԿ-ի երկրների կողմից, նավթի արտահանման ծավալը նվազեցվեց, դա չի ազդեցրեց նավթամթերքի թանկացմանը, ավելին՝ մեկ բարելի դիմաց, 86-ի փոխարեն, վճարվում էր 77 դոլար: Թեեւ, ի հակադրություն դրան, Ռուսաստանից արտահանվող նավթամթերքի մեկ բարելի արժեքն ավելացավ եւ կազմեց 62 դոլար:

Ինչ վերաբերում է Վրաստանի սպառողական շուկային, ապա բենզալցակայաններում բենզինի գինն արդեն ավելացվել է 10 թեթրիով եւ ներկայումս մեկ լիտր բենզինի արժեքը տատանվում է 2.9-2.2 լարիի սահմաններում: Ավելացել է նաեւ դիզելային վառելանյութի արժեքը, այն ներկա դրությամբ մեկ լիտրի դիմաց կազմում է 2.65 լարի



ՇԻՆԱՆՅՈՒԹԵՐԻ ԳՆԵՐՆ ԱՎԵԼԱՑԵԼ ԵՆ 50, ԻՍԿ ՎԱՐՊԵՏԻ ԶԵՌՔԻ ԳՈՐԾԸ՝ 100 ՏՈԿՈՍՈՎ

Վրաստանում շինանյութերի պահանջարկն ավելացել է, ինչը եւ հանգեցրել է դրանց գների ավելացմանը: Ինչպես հայտարարում են շինանյութերի խանութների ներկայացուցիչները, ինչպես նաեւ շինարարական ոլորտի մասնագետներն ու արհեստավորները, բարձր պահանջարկի պայմաններում ավելացել են ոչ միայն շինանյութերի գները, այլեւ վարպետի վարձատրությունը: Նրանց հավաստմամբ, վերջին ժամանակներս նկատվել է շինանյութերի գների կայունացում, թեեւ դրանց բարձր մակարդակը պահպանվում է:

Մասնագետների հաշվարկումների համաձայն, բնակարանի վերանորոգման ընդհանուր ծախսերն ավելացել են 40-50 տոկոսով: Հատկանշական է, որ նման թանկացումը չի ազդում պահանջարկի մակարդակի վրա, ընդհակառակը, ինչպես նշում են մասնագետները, բոլոր աշխատանքների սակագները զգալիորեն ավելացել են: Այսպես, մեկ քառ.մետր բնակատարածքի վերանորոգման համար իրականացվելիք աշխատանքը գնահատվում է սկսած 250 դոլարից եւ հասնում է 450-500 դոլարի, այն դեպքում, երբ մի քանի տարի առաջ, այն չէր գերա-